



Quotidiana Christiani Militis Tessera

Stanyhurst, Guillaume

Coloniæ Agrippinæ, 1682

27. Dies Maii. Quid miserius misero, non miserante seipsum? Sanctus
Augustinus I 1. confess. c. 13.

Nutzungsbedingungen

[urn:nbn:de:hbz:466:1-55659](https://nbn-resolving.org/urn:nbn:de:hbz:466:1-55659)

III. Censeres te Alpha miserorum, si laborares cancro, quid si his accederet ilias morborum, lepra, asina, paralyfis, hydropisis, abominatio stomachi, in pedibus podagra, in manibus chiragra, in toto corpore ciathica, in oculis cæcitas, in auribus surditas, in capite phrenesis, in lingua balbuties, quid si te uno agmine invaderent, & discerperent, mala omnia corporis? quæ fuerunt, sunt, erunt, esse possunt: nonne malles eradi ex hominum syllabo, & mundo exesse, quàm talem esse? Amabo te, inter omnia, quæ discis, unum tandem discis, æstimare æstimabilia. Plus tibi nocet, & magis Deo displicet, culpa animæ vel unica, quàm mala corporis omnia. Et minus est intervallum inter Nihil & Omnia, quàm inter malum corporis maximum, & Animi minimum. Si ut possis uno illorum, de quibus memini, morbo eximi, nempe à cancro, libenter permitteres secari membrum; quid faceres, & non faceres, ut possis ab omnibus sanari? Quæ est hæc insania, nolle sanare? Infestior tibi est quælibet animi ægritudo, quàm omnis corporis ægrotatio, E præfatis exurgit hæc veritas:

Supra omnes clades, animi unica sit tibi labes,

27. DIES MAII.

Quid miserius misero, non miserante seipsum? *Sanctus Augustinus l. 1. confess. c. 13.*

Minimus animi I.
 na vus est per
 niciosior, quàm
 maximus cor-
 poris morbus.

Maxima pars tuæ miseriae es, quod cum sis vitio tuo miser, non tamen sis tibi miserabilis. Miseret te aliorum, & quasi ipse tibi esses minus quàm alius, non miseret te tui. Dolet quis ex calculo, toto condoles animo. Alterius in corpore calculus tibi est in animo aculeus, imò eculeus. Quanta fuit trium amicorum Job, ob ejus ærumnas admiratio; & ex illa commiseratio. Hæc de illis sacri Annales: *Exclamantes ploraverunt, scissisque vestibus sparserunt pulverem super caput suum in coelum. Et sederunt cum eo in terra septem diebus, & septem noctibus, & nemo loquebatur ei verbum, videbant enim dolorem esse vehementem.* Quanta miseratio in illis amicis! exclamant, plorant, scindunt vestes, spargunt super caput pulverem, silent tot diebus præ stupore. Magna debet fuisse Job miseria, ubi maxima est erga Jobum miseratio. Quid illi contigit? Percusserat illum dæmon ulcere pessimo, totum corpus fluebat sanie, sedebat nudus in sterquilinio. Ad te nunc convertere, ô peccator, ut sic avertaris à peccato. Minimus in animo defectus, est major, quàm omnis ille in Jobo miseriarum apparatus. Fuit percussus à dæmone ulcere pessimo, & tamen quod pessimè habebat dæmonem percutientem, etiam sic fuit optimus. Minimus in animo naevus, pejor est quàm pessimum in corpore ulcus.

II. Plus dico, da veniam, si acturus de peccato veniali, illud exaggerem; quia quidquid dico, vel quidquid à quopiam potest dici de eo mali, minus est eo, quod anima infert, malo. Peccatum veniale est

Majus.

Tessera.

403

est quædam morborum omnium, qui corpus infestant, complexio. Est cancer, sensim rependo serpit, per intima animæ, & nisi occurras serpenti, instar serpentis, inferet mortem, dum inducet ad peccatum mortale. Est lepra, quæ quia non tantum est horrenda aspectu, sed contagiosa afflatu, sejungit à cælestis Sponsi complexu. Est Asthma; hinc difficilis illis ad Deum aspiratio, in divinis respiratio. Est Paralysis; hinc ille in Dei amore tepor, in ejus obsequio languor, in negotio salutis torpor, nulla in manibus ut mittat ad fortia, agilitas; nulla in pedibus, ut currat per viam mandatorum Dei, velocitas. Est Hydropisis; hinc sitis illa ad bibendam quasi aquam iniquitatem. Est abominatio stomachi; hinc illa in pane Angelorum nausea, ad cæleste manna fastidium. Est Podagra; hinc nullus in stadio, ut comprehendat bravium, non tantum cursus, sed motus; pedes sunt quasi compediti. Est cæcitas, hinc in discernendo malo à bono cæcuries, in divinis caligo. Est Pyrenesis; hinc illa insania, ut secleretur fugienda, speret timenda, abominetur amanda, ambiat noxia, spernat æstimabilia. Est surditas; hinc non audit vocem Sponsi, nec susurrum sibili cælestis, nec verba æterni Verbi.

III. Necdum tui tot inter miseras misereris? Vin' cognoscere morbi tui magnitudinem? Propone tibi magnitudinem remedii. Purgatorium est spiritu infirmorum nosocomium: Chirurghi, ac Medici vices agit, justitia. Sudant illic infirmæ animæ non in tepido balneo, sed in igneo vaporario, sed in flammeo æstuario. Scribitur illic non unum Recipe in charra, sed Patere in flamma? Minimum

Cc 2

pro

